



Broj: 06-11-3302/23-6  
Ilidža, 12.09.2023. godine

Na osnovu člana 70, Zakona o javnim nabavkama BiH ( «Službeni glasnik BiH» broj 39/14 i 59/22), Općinski načelnik donosi

**ODLUKU**  
**o otkazivanju postupka za javnu nabavku broj 58/23**

I

Otkazuje se postupak javne nabavke broj JN 58/23 Nabavka i ugradnja fan-coil jedinica i termostata u objektu Općine Ilidža za šta je pokrenut konkurentski postupak i poništava se Odluka o izboru najpovoljnijeg ponuđača broj: 06-11-3302/23 od 08.06.2023.godine.

II

Postupak javne nabavke JN 58/23 Nabavka i ugradnja fan-coil jedinica i termostata u objektu Općine Ilidža, otkazuje se u skladu sa članom 69.stav (3) zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, odnosno u skladu sa članom 72.stav (3) tačka f) Zakona o javnim nabavkama.

III

Istovremeno sa dostavljanjem ove Odluke ponuđaču, ista će se objaviti na web stranici Ugovornog organa.

**Obrazloženje**

Postupak javne nabavke broj 58/23 Nabavka i ugradnja fan-coil jedinica i termostata u objektu Općine Ilidža putem konkurentskog zahtjeva za dostavu ponuda pokrenut je Odlukom o pokretanju postupka nabavke broj: 06-113302/23-4 od 15.05.2023. godine

Javna nabavka objavljena je na portalu javnih nabavki brojem obavještenja 888-7-1-138-3-119/23 od 24.05.2023.god. Na tendersku dokumentaciju potencijalni ponuđači nisu imali upita.


Do datuma određenog kao krajnji rok za prijem ponuda, pristigla je sljedeća ponuda:

Rbr.	Broj protokola	Naziv/ Ime ponuđača	Ukupna cijena ponude (bez PDV-a) KM
1.	06-11-3302/2-23	NEXIS d.o.o. Sarajevo	15.000,00

Nakon pregleda i analize ponude Komisija je utvrdila da ponuđač NEXIS d.o.o. ispunjava sve uslove iz tenderske dokumentacije.

Obzirom da je pristigla jedna prihvatljiva ponuda čija je vrijednost u okviru obezbjeđenih budžetskih sredstava Komisija za javne nabavke je zapisnikom broj: 06-11-3302/23-4 K od 07.06.2023.godine dala preporuku ugovornom organu za donošenje Odluke o izboru





najpovoljnijeg ponuđača NEXIS d.o.o čija cijena ponude bez PDV-a iznosi 15.000,00 KM broj: 06-11-3302/23-5 od 08.06.2023.godine. Po pravosnažnosti naprijed navedene Odluke ugovor je potpisan 19.07.2023.godine od strane Općinskog Načelnika. Dana 19.07.2023.g, izabrani ponuđač je usmeno a potom 09.08.t.g. putem e-maila informisan obavezi potpisivanja ugovora za predmetnu javnu nabavku. Ponuđač je ugovornom organu neformalnom prepiskom iznio činjenice zbog kojih je u nemogućnosti potpisati ugovor navodeći da zbog nekompatibilnosti opisanih termostata sa postojećim fan-coil jedinicama za koje je neophodno obezbijediti termostate, nije u mogućnosti izvršiti ugradnju istih. Urgencijom za potpisivanje ugovora od 03.08.2023.godine ugovorni organ je naložio ponuđaču NEXIS d.o.o. zvanično izjašnjenje ili potpisivanje ugovora na koju je, odgovorom na urgenciju zaprimljenog u organu uprave dana 08.09.2023.god., navedeni ponuđač potvrdio naprijed navedene činjenice.

Imajući u vidu naprijed navedeno zbog dokazanih razloga koji su izvan kontrole ugovornog organa u skladu sa čl. 69.stav (3) stekli su se uslovi za otkazivanje postupka. Kako je izabrani ponuđač bio jedini u ovom postupku, Ugovorni organ nema mogućnost izbora drugog ponuđača.

Cijeneći navedeno odlučeno je kao u dispozitivu.

**POUKA O PRAVNOM LIJEKU:** Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka.

Izradila: Lejla Z.  
Kontrolisali: Benjamin M.

Dostavljeno:

1. NEXIS d.o.o. Sarajevo  
ul. Mehe Smailagića br. 76, Sarajevo
2. Kabinet Općinskog načelnika
3. Služba za finansije;
4. Služba za zajedničke poslove (za WEB)
5. a/a



OPĆINSKI NAČELNIK

Nermin Muzur, magistar uprave

